

Fjellheimen villreinområde ved Hildegunn Mugås

Vår ref.	Dykkar ref.	Arkivsak	Sakshandsamar	Direktenr.	Vedtaksdato
056/23		23/465 - 3	Veronika Seim Bech	90910709	11.05.2023

## Vedtak - tilskot til opplæring og teljing frå BKK-Viltfond 2023

### Saksopplysningar

Styret i BKK-Viltfond lyste ut midlar med søknadsfrist 31.03.23. Fjellheimen Villreinutval v/ Hildegunn Mugås søkte 19.03.23 om tilskot til tiltak i villreinområdet.

Dei mellom anna at villreinutvalet sine viktigaste oppgåver er å forvalte villreinen i området. Dette vert gjort gjennom utarbeiding og rulling av bestandsplanar og gjennomføre jakt når stamma er haustbar. For å kunne lag desse planane er det viktig med teljingar for å vite mest mogeleg om bestanden. Bestandsplanen vert rullert kvart 3.dje år, sist gjort i 2022.

Teljingar vert gjennomført årleg og er delvis finansiert av statlege midlar. Det har ikkje vore jakt siste åra og når det ikkje er jakt har ikkje utvalet inntekter frå fellingsutgifter. Kostnadane med leige av fly har også auka på grunn av ei regelending.

I denne søknaden søker villreinutvalet om midlar til kurs og opplæring knytt til forvaltninga. Utvalet sender årleg representantar til Villreinrådet sine fagdagar og dei deltek på kurs og møter for å forbetre kompetansen i styret og mannskap knytt til teljing. Dei søkjar difor om både til teljing og kurs/opplæring.

Styret i BKK-Viltfondet handsama søknaden i teams-møte den 19.04.23.

### Vurdering

Villrein bestanden går på tvers av kommunegrensene og er felles mellom kommunane.

Det kom inn tre søknadar. Styret gjekk gjennom alle søknadane før dei gjorde vedtak.

Handlingsplanen av 2021 gir retningsliner for bruk av midlane. Midlane frå BKK-viltfondet skal vera ei delfinansiering. Styret kjem til å stilla noko strengare krav til søknadane framover. Søkjarane må forklara meir presist kva dei har plan om å gjennomføra. Styret ynskjer også sluttrapport frå prosjekta

BKK-Viltfond set som vilkår at dei får tilsendt rapport frå prosjektet. 75% av tilskotet kan betalast ut no. Resten vert betalt ut når tiltaket er ferdig og sluttrapporten er motteke.



Styret legg til at det må gjerast årlege vurderingar av innkomne søknadar opp mot saldo på fondet.

**Heimel**

- «Vedtekter for BKK sitt viltfond i samband med Eksingedalsreguleringa», vedteke i Modalen, Voss, Vik og Vaksdal kommunestyre 2001.
- «Handlingsplan for BKK-Viltfond 2022 –2025», vedteke av styret 08.12.2021.

**Vedtak:**

Styret i BKK-viltfond vedtok samrøystes å løyve kr 30.000,- til Fjellheimen Villreinutval v/ Hildegunn Mugås til teljing og kurs/opplæring.

Vilkår: BKK-Viltfond får tilsendt ei sluttrapport frå prosjektet.

75% av tilskotet vert betalt ut no og 25% vert halde tilbake til ein har motteke rapporten.

**Klage:**

Vedtaket gjev klagerett etter Forvaltningslova av 10. feb. 1967. Sjå vedlagt melding om rett til å klage over forvaltningsvedtak. Klagefrist er 3 veker etter melding om vedtak er motteke. Klage skal sendast til Vik kommune, klageinstans er Styret i BKK-Viltfond

Med helsing

Sveinung Klyve  
Styreleiar BKK-Viltfond

Veronika Seim Bech  
Landbrukssjef

*Brevet er elektronisk godkjent og er utan underskrift*

**Kopi**

Modalen Kommune  
Vaksdal Kommune  
Voss Herad

Postboks 44  
Konsul Jepsensgata 16  
Postboks 145

5732 Modalen  
5722 Dalekvam  
5701 Voss

(1)Sender <b>Vik kommune</b>	<b>Melding om rett til å klage over forvaltningsvedtak</b> (Forvaltningslova § 27 tredje leddet)
	(2)Dato
(3)Mottakar	(4)Klageinstans Vik formannskap
Denne meldinga gjev viktige opplysningar dersom De vil klaga på eit vedtak De er gjort kjend med.	
<b>Klagerett</b>	De har rett til å klage på vedtaket.
<b>Kven kan de klage til</b>	Klaga sender De til oss, dvs. det organet som er ført opp i rubrikk (1). Dersom vi ikkje endrar vedtaket vårt som følgje av klaga, sender vi klaga over til klageinstansen, jamfør rubrikk (4).
<b>Klagefrist</b>	Klagefristen er tre – 3 – veker frå den dagen dette brevet kom fram. Det er nok at klaga er postlagd før fristen går ut. Dersom de klagar så seint at det kan vere uklart for oss om de har klaga i rett tid, bør de oppgi datoen for når De fekk dette brevet. Dersom De klagar for seint, kan vi sjå bort frå klaga. De kan søkje om å få lengre klagefrist, og då må de nemne grunnen til at De ønskjer det.
<b>Rett til å krevje grunngjeving</b>	Dersom De meiner at vi ikkje har grunngjeve vedtaket, kan De krevje ei slik grunngjeving før fristen går ut. Ny klagefrist blir rekna frå den dagen De får grunngjevinga.
<b>Innhaldet i klaga</b>	De må presisere: -Kva for eit vedtak De klagar på -årsaka til at De klagar -den eller dei endringar som De ønskjer -eventuelt andre opplysningar som kan ha noko å seie for vurderinga av klaga Klaga må underskrivast.
<b>Utsetjing av gjennomføringa av vedtaket</b>	Jamvel om De har klagerett, kan vedtaket til vanleg setjast i verk med det same. Men de kan søkje om å få utsett gjennomføringa av vedtaket til klagefristen er ute eller til klaga er avgjort.
<b>Rett til å sjå saksdokumenta og til å krevje rettleiing</b>	Med visse unntak har De rett til å sjå dokumenta i saka. Reglane om dette finst i §18 og §19 i forvaltningslova. De må i tilfelle ta kontakt med oss, jamfør rubrikk (1). De vil då få nærmare rettleiing om retten til å klage, om framgangsmåten og om reglane for saksgangen.
<b>Kostnadene med klagesaka</b>	De kan søkje om å få dekt utgifter til den advokathjelpa De treng, etter reglane om fritt rettsråd. Her gjeld det visse grenser for inntekt og eige. Fylkesmannen eller advokaten Dykkar kan gje nærmare opplysningar om dette. Dersom vedtaket er endra til Dykkar fordel, kan De etter forvaltningslova ha krav på å få dekt store kostnader som har vore naudsynte for å få endra vedtaket. Klageinstansen, jamfør rubrikk (4), vil orientere Dykk om retten til å krevje slik dekning.
<b>Klage til Sivilombodsmannen</b>	Dersom De meiner at De har vore utsett for urett frå den offentlege forvaltninga, kan De klage til Stortingsombodet for forvaltninga. (Sivilombodsmannen). Sivilombodsmannen kan ikkje sjølv endre vedtaket, men kan gje si vurdering av korleis den offentlege forvaltninga har handsama saka, og om dei har gjort feil eller forsømt noko. Dette gjeld likevel ikkje saker som er avgjorte av Kongen i statsråd. Dersom De no får klaga Dykkar avgjort i statsråd fordi Kongen er klageinstans, kan De såleis ikkje seinare føre saka inn for Sivilombodsmannen.
Særlege opplysningar:	